



Нислэгийн хөдөлгөөний үйлчилгээний ажилтны үнэмлэх (Air Traffic Service Personnel Licences)

Нислэгийн хөдөлгөөний удирдагч (Air Traffic Controller)		Нислэгийн мэдээллийн ажилтан (Flight Service Operator)	
Сурагч-нислэгийн хөдөлгөөний удирдагчийн үнэмлэх	Нислэгийн хөдөлгөөний удирдагчийн үнэмлэх	Сурагч-нислэгийн мэдээллийн ажилтны үнэмлэх	Нислэгийн мэдээллийн ажилтны үнэмлэх
<p>65.53. Нөхцөл хангах шаардлага (a) Сурагч-нислэгийн хөдөлгөөний удирдагчийн үнэмлэх эзэмших этгээд нь дараах шаардлагыг хангасан байна: (1) 18 нас хүрсэн байх; (2) ИИД-67-гийн дагуу олгосон 3-р ангиллын хүчинтэй ЭМГ эзэмшдэг байх; (3) нислэгийн радио-холбооны операторын зэрэглэл эзэмшдэг байх; (4) хяналттай агаарын зайд, агаарын хөлгийн нислэгийн бүхээгт 2-оос доошгүй цаг танилцах дадлага хийсэн туршлагатай байх; (5) нислэгийн хөдөлгөөний удирдагчийн үүрэгт ажилд хамаарах дараах сэдвийг багтаасан сургалтын курсийг амжилттай дүүргэсэн байх: (i) <i>Нисэхийн хууль, дүрэм:</i> Дүрэм, журам; (ii) <i>НХУ-ын төхөөрөмж:</i> НХУ-д ашигладаг төхөөрөмжийн ажиллах зарчим, ашиглалт болон хязгаарлалт; (iii) <i>Агаарын хөлгийн ерөнхий мэдлэг:</i> нислэгийн зарчим; агаарын хөлөг, хүчний төхөөрөмж, системийн ажиллагаа болон ажиллах зарчим; агаарын хөлгийн үзүүлэлт; (iv) <i>Хүний хүчин зүйл:</i> төсөөлөн бодож дүрслэн зурах чадвартай холбоотой хүний хүчин чадал болон түүний хязгаарлалт, тэдний ажилд төсөөлөн бодох чадварын үүрэг ач холбогдол, НХУ-ын үйл ажиллагааны стресс үүсгэх ачаалал, төхөөрөмж болон ажлын байрны зохион байгуулалт, хүмүүсийн харилцааны гол асуудал; (v) <i>Цаг уур:</i> нисэхийн цаг уур; цаг уурын баримт бичиг, мэдээллийг ашиглах, түүнийг үнэлэх; нислэгийн үйл ажиллагаа, аюулгүй байдалд нөлөөлөх цаг агаарын аюултай үзэгдлийн гарал үүсэл, шинж чанар; өндөр хэмжих; (vi) <i>Навигаци:</i> агаарын навигацийн үндсэн зарчим; навигацийн систем болон ил харааны туслах хэрэгсэл, тэмдэглэгээний зарчим, хязгаарлалт болон нарийвчлал; (vii) <i>Үйл ажиллагааны журам:</i> НХУ, харилцаа холбоо, радио холбоо, нислэгийн холбооны стандарт хэллэгийн журам (хэвийн, хэвийн бус болон онцгой нөхцөлийн); холбогдох нисэхийн бичиг баримтыг ашиглах; нислэгтэй холбоотой аюулгүй байдлын практик. (b) Энэ зүйлийн (a)(5)-д амжилттай дүүргэсэн байхыг шаардсан сургалтыг дараах байгууллага зохион байгуулна: (1) ИИД-172-ын дагуу олгосон НХУ-ний байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулахыг зөвшөөрдөг бол; эсхүл (2) Конвенцийн Хэлэлцэн тохирогч улсын эрх бүхий байгууллагаар зөвшөөрөгдсөн нисэхийн сургалтын байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулахыг зөвшөөрдөг бол.</p>	<p>65.103. Нөхцөл хангах шаардлага (a) Нислэгийн хөдөлгөөний удирдагчийн үнэмлэх эзэмших этгээд нь дараах шаардлагыг хангасан байна: (1) энэ Дүрмийн дагуу олгосон хүчинтэй сурагч-нислэгийн хөдөлгөөний удирдагчийн үнэмлэх, эсхүл Конвенцийн Хэлэлцэн тохирогч улсаас олгосон хүчинтэй нислэгийн хөдөлгөөний удирдагчийн үнэмлэх эзэмшдэг байх; (2) 21 нас хүрсэн байх; (3) дараах туршлагатай байх: (i) энэ Дүрмийн дагуу олгосон сурагч-нислэгийн хөдөлгөөний удирдагчийн үнэмлэхний эрхийг 3 сараас доошгүй хугацаанд хэрэгжүүлсэн; эсхүл (ii) Конвенцийн Хэлэлцэн тохирогч улсаас олгосон нислэгийн хөдөлгөөний удирдагчийн үнэмлэхний эрхийг тухайн улсад 2-оос доошгүй жил хэрэгжүүлсэн. (4) хяналттай агаарын зайд, агаарын хөлгийн нислэгийн бүхээгт 10-аас доошгүй цаг дадлага хийсэн туршлагатай байх; (5) нислэгийн хөдөлгөөний удирдагчийн үүрэгт ажилтай холбоотой шалгалтыг дараах сэдвээр амжилттай өгсөн байх: (i) <i>Нисэхийн хууль, дүрэм:</i> Дүрэм, журам; (ii) <i>НХУ-ын төхөөрөмж:</i> НХУ-д ашиглагдах төхөөрөмжийн ажиллах зарчим, ашиглалт болон хязгаарлалт; (iii) <i>Агаарын хөлгийн ерөнхий мэдлэг:</i> нислэгийн зарчим; агаарын хөлөг, хүчний төхөөрөмж, системийн ажиллагааны болон ажиллах зарчим; агаарын хөлгийн үзүүлэлт; (iv) <i>Хүний хүчин зүйл:</i> төсөөлөн бодож дүрслэн зурах чадвартай холбоотой хүний хүчин чадал болон түүний хязгаарлалт, тэдний ажилд төсөөлөн бодох чадварын үүрэг ач холбогдол, НХУ-ын үйл ажиллагааны стресс үүсгэх ачаалал, төхөөрөмж болон ажлын байрны зохион байгуулалт, хүмүүсийн харилцааны гол асуудал; (v) <i>Цаг уур:</i> нисэхийн цаг уур; цаг уурын баримт бичиг, мэдээллийг ашиглах, түүнийг үнэлэх; нислэгийн үйл ажиллагаа, аюулгүй байдалд нөлөөлөх цаг агаарын аюултай үзэгдлийн гарал үүсэл, шинж чанар; өндөр хэмжих; (vi) <i>Навигаци:</i> агаарын навигацийн үндсэн зарчим; навигацийн систем болон ил харааны туслах хэрэгсэл, тэмдэглэгээний зарчим, хязгаарлалт болон нарийвчлал; (vii) <i>Үйл ажиллагааны журам:</i> НХУ, харилцаа холбоо, радио холбоо, нислэгийн холбооны стандарт хэллэгийн журам (хэвийн, хэвийн бус болон онцгой нөхцөлийн); холбогдох нисэхийн бичиг баримтыг ашиглах; нислэгтэй холбоотой аюулгүй байдлын практик. (b) Энэ Дүрмийн G Бүлгийн дагуу олгосон нэгээс доошгүй нислэгийн хөдөлгөөний удирдагчийн зэрэглэлд тавих сургалт, туршлагын болон үнэлгээ хийх шаардлагыг хангасан байх; (7) нислэгийн хөдөлгөөний удирдагчийн ажил үүргийг чадварлагаар гүйцэтгэх чадвараа НХУ-ний шалгагчийн зэрэглэл эзэмшигчид шалгуулсан байх. (b) Конвенцийн Хэлэлцэн тохирогч улсаас олгосон хүчинтэй нислэгийн хөдөлгөөний удирдагчийн үнэмлэх эзэмшигчийг энэ зүйлийн (a)(5)-д шаардсан агаарын хөлгийн тухай ерөнхий мэдлэг, цаг уурын болон навигацийн шалгалтыг өгсөнд тооцно. (c) Энэ зүйлийн (a)(5)-д шаардсан шалгалтыг дараах байгууллага авна: (1) ИИД-172-ын дагуу олгосон НХУ-ний байгууллагын гэрчилгээ эзэмшигч, хэрэв гэрчилгээ нь эзэмшигчид тухайн шалгалтыг авахыг зөвшөөрдөг бол; эсхүл (2) ИИД-141-ийн дагуу олгосон нисэхийн сургалтын байгууллагын гэрчилгээ эзэмшигч, хэрэв гэрчилгээ нь эзэмшигчид тухайн шалгалтыг авахыг зөвшөөрдөг бол.</p>	<p>65.153. Нөхцөл хангах шаардлага (a) Сурагч-нислэгийн мэдээллийн ажилтны үнэмлэх эзэмших этгээд нь дараах шаардлагыг хангасан байна: (1) 18 нас хүрсэн байх; (2) нислэгийн радио-холбооны операторын зэрэглэл эзэмшдэг байх; (3) агаарын хөлгийн нислэгийн бүхээгт 2-оос доошгүй цаг танилцах дадлага хийсэн туршлагатай байх; (4) НМА-ны үүрэгт ажилд хамаарах дараах сэдвийг багтаасан сургалтын курсийг амжилттай дүүргэсэн байх: (i) <i>НХУ-ний ерөнхий мэдлэг:</i> Монгол Улсын агаарын зайд үзүүлж байгаа НХУ; (ii) <i>Үйл ажиллагааны журам:</i> радио-холбооны журам, стандарт хэллэг, радио холбооны сүлжээ; (iii) <i>Нисэхийн хууль, дүрэм:</i> Дүрэм, журам; (iv) <i>Хүний хүчин зүйл:</i> төсөөлөн бодож дүрслэн зурах чадвартай холбоотой хүний хүчин чадал болон түүний хязгаарлалт, тэдний ажилд төсөөлөн бодох чадварын үүрэг ач холбогдол, НХУ-ын үйл ажиллагааны стресс үүсгэх ачаалал, төхөөрөмж болон ажлын байрны зохион байгуулалт, хүмүүсийн харилцааны гол асуудал; (v) <i>Радио холбооны төхөөрөмж:</i> нисэхийн байгууламж дахь радио холбооны төхөөрөмжийн ажиллах зарчим, ашиглалт болон хязгаарлалт. (b) Энэ зүйлийн (a)(4)-т амжилттай дүүргэсэн байхыг шаардсан сургалтыг дараах байгууллага зохион байгуулна: (1) ИИД-172-ын дагуу олгосон НХУ-ний байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулахыг зөвшөөрдөг бол; эсхүл (2) ИИД-141-ийн дагуу олгосон нисэхийн сургалтын байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулахыг зөвшөөрдөг бол.</p>	<p>65.203. Нөхцөл хангах шаардлага (a) НМА-ны үнэмлэх эзэмших этгээд нь дараах шаардлагыг хангасан байна: (1) энэ Дүрмийн дагуу олгосон хүчинтэй сурагч-нислэгийн мэдээллийн ажилтны үнэмлэх эзэмшдэг байх; (2) сурагч-нислэгийн мэдээллийн ажилтны үнэмлэхний эрхийг 2 сараас доошгүй хугацаанд хэрэгжүүлсэн туршлагатай байх; (3) агаарын хөлгийн нислэгийн бүхээгт 10-аас доошгүй цаг дадлага хийсэн туршлагатай байх; (4) НМА-ны үүрэгт ажилд хамаарах дараах сэдвээр шалгалтыг амжилттай өгсөн байх: (i) <i>НХУ-ний ерөнхий мэдлэг:</i> Монгол Улсын агаарын зайд үзүүлж байгаа НХУ; (ii) <i>Үйл ажиллагааны журам:</i> радио-холбооны журам, стандарт хэллэг, радио холбооны сүлжээ; (iii) <i>Нисэхийн хууль, дүрэм:</i> Дүрэм, журам; (iv) <i>Хүний хүчин зүйл:</i> төсөөлөн бодож дүрслэн зурах чадвартай холбоотой хүний хүчин чадал болон түүний хязгаарлалт, тэдний ажилд төсөөлөн бодох чадварын үүрэг ач холбогдол, НХУ-ын үйл ажиллагааны стресс үүсгэх ачаалал, төхөөрөмж болон ажлын байрны зохион байгуулалт, хүмүүсийн харилцааны гол асуудал; (v) <i>Радио холбооны төхөөрөмж:</i> нисэхийн байгууламж дахь радио холбооны төхөөрөмжийн ажиллах зарчим, ашиглалт болон хязгаарлалт; (5) Н Бүлгийн дагуу олгосон НМА-ны нэгээс доошгүй зэрэглэлд тавих сургалтын болон үнэлгээ хийх шаардлагыг хангасан байх; (6) НХУ-ний шалгагчийн зэрэглэл эзэмшигчид, дараах ажиллагааг багтаасан НМА-ны үүргийг чадварлагаар гүйцэтгэх чадвараа шалгуулсан байх: (i) зэрэглэл авахаар зорьж байгаа ажлын байранд ашиглаж байгаа радио холбооны төхөөрөмжийг ажиллуулах; (ii) радио-холбооны мэдээллийг үр дүнтэй, алдаагүй нягт нямбай дамжуулах, хүлээн авах. (b) Энэ зүйлийн (a)(4)-т шаардсан шалгалтыг дараах байгууллага авна: (1) ИИД-172-ын дагуу олгосон НХУ-ний байгууллагын гэрчилгээ эзэмшигч, хэрэв гэрчилгээ нь эзэмшигчид тухайн шалгалтыг авахыг зөвшөөрдөг бол; эсхүл (2) ИИД-141-ийн олгосон нисэхийн сургалтын байгууллагын гэрчилгээ эзэмшигч, хэрэв гэрчилгээ нь эзэмшигчид тухайн шалгалтыг авахыг зөвшөөрдөг бол.</p>
<p>65.55. Эрх, хязгаарлалт Сурагч-нислэгийн хөдөлгөөний удирдагчийн үнэмлэх нь тухайн эзэмшигчид, дараах зорилгоор НХУ-ын ажлын дадлага туршлага олж авах НХУ-ын ажил үүргийг, НХУ-ний багшийн зэрэглэл эзэмшигчийн хяналтан дор гүйцэтгэх эрхийг олгоно: (1) нислэгийн хөдөлгөөний удирдагчийн үнэмлэх, зэрэглэл, эсхүл зөвшөөрөл авахаар мэргэших; эсхүл (2) нислэгийн хөдөлгөөний удирдагчийн үнэмлэх, зэрэглэл, эсхүл зөвшөөрлийн хүчинтэй байдлыг сэргээх.</p>	<p>65.105. Эрх Нислэгийн хөдөлгөөний удирдагчийн үнэмлэх нь тухайн эзэмшигчид дараах эрхийг хэрэгжүүлэх эрх олгоно: (1) сурагч-нислэгийн хөдөлгөөний удирдагчийн үнэмлэхний; (2) НМА-ны үнэмлэхний; (3) эзэмшиж байгаа хүчинтэй нислэгийн хөдөлгөөний удирдагчийн зэрэглэлийн болон зөвшөөрлийн.</p> <p>65.107. Туршлага хадгалах шаардлага Үнэмлэх эзэмшигч нь энэ Дүрмийн дагуу олгосон нислэгийн хөдөлгөөний удирдагчийн үнэмлэхний эрхийг өмнө үргэлжилсэн 5 жилийн дотор хэрэгжүүлээгүй бол тухайн үнэмлэхний эрхийг дахин хэрэгжүүлэхийн өмнө 65.103(a)(7)-гийн шаардлагыг хангасан байна.</p>	<p>65.155. Эрх, хязгаарлалт Сурагч-нислэгийн мэдээллийн ажилтны үнэмлэх нь эзэмшигчид, дараах зорилгоор НМА-ны ажлын дадлага туршлага олж авахаар НМА-ны ажил үүргийг хүчинтэй НХУ-ний багшийн зэрэглэл эзэмшигчийн хяналтан дор гүйцэтгэх эрхийг олгоно: (1) НМА-ны үнэмлэх, зэрэглэл, эсхүл зөвшөөрөл авахаар мэргэших; эсхүл (2) НМА-ны үнэмлэх, зэрэглэл, эсхүл зөвшөөрлийн хүчинтэй байдлыг сэргээх.</p>	<p>65.205. Эрх, хязгаарлалт (a) Энэ зүйлийн (b)-г харгалзан, НМА-ны үнэмлэх нь тухайн эзэмшигчид дараах эрхийг хэрэгжүүлэх эрх олгоно: (1) сурагч-нислэгийн мэдээллийн ажилтны үнэмлэхний; (2) эзэмшиж байгаа хүчинтэй НМА-ны зэрэглэл болон зөвшөөрлийн. (b) Үнэмлэх эзэмшигч нь тухайн үнэмлэхний эрхийг хэрэгжүүлэхийн өмнө, эзэмшиж байгаа зөвшөөрөгдсөн зэрэглэлд хамаарах нисэхийн байгууламжид ашиглагдаж байгаа төхөөрөмжийн төрөл болон үйл ажиллагааны журмын талаарх хүчинтэй мэдээлэлтэй танилцсан байна.</p>